

Yeshua un Israelita; pa nos Unidat!!!

E **saserdotenan tin e tarea di Siña Mi Pueblo e Diferensia** entre loke ta **Sagrado** ku loke **no ta Sagrado**, entre **Puru ku impuru**. (**Ezekiel 44:23**).

No bebe alkohòl pasobra ta **boso tin ku disidí si un kos ta Sagrado** òf **profano**, **Puru òf impuru**, i ta **boso tin ku Siña e Israelitanan e Leinan ku Ami** a pasa **pa nan pa medio di Moises**. (**Levítiko 10:9-11**).

Mi pueblo ta muri pasobra nan **no konosé Mi**. Pasobra **boso, saserdotenan**, no tin kunes si e **hendenan konosé Mi**, p'esei **Mi no tin kunes ku boso mas; Mi ta rechasá boso como Mi saserdote**. Pasobra **boso a lubidá Mi Lei, Ami lo lubidá boso yunan**. (**Hosea 4:6**).

Yeshua un Israelita; pa nos Unidat!!!

Dikon Dios a rechasá e saserdote? Dikon Dios a bisa e saserdotenan no bebe alkohòl? Ta kwa saserdote Dios ta papia di dje?

E Bèrdat ta ku ora nos bai studia e Palabra; Beibel den Hebreo, nos ta **bin mira** ku tin **diferente saserdote**. Tin e **Saserdote Rei; Yeshua un Israelita**. Tin **saserdote pagano**. Tin **saserdote pa sirbi Yehovah; Dios Tata**. Tin **saserdote Levítiko**. Tin **saserdote di Sadok**. Tin **saserdote di Aaron**. Tin tambe e **gransaserdote**.

Yeshua un Israelita; pa nos Unidat!!!

E Bèrdat ta ku awor aki den 2021 tin diferente saserdote aktivo riba **mundu!!!**. Den **tur misa** por tin **saserdote** ku tin **nan mes interes** na **prome luga**. Un **saserdote** ku ta **bebe alkohòl**, no por **Diserní si un kos ta Sagrado** òf **profano**, **Puru òf impuru**, dor ku **su spiritu no tin kontakto ku e Spiritu Santu**, pero **ku un otro spiritu profano òf impuru**. Tin **saserdote** ku tin **nan mes ideología** na **prome luga i asina no ta Siña Dios Su Pueblo e Diferensia** entre loke ta **Sagrado** i loke **no ta Sagrado**, pero ta **manipula Dios Su Pueblo** pa laga **nan kere ku ta di Dios e mensahe ta bini**.

Tin **saserdote** ku tin **nan mes filosofía** na **prome luga i asina no ta Eduká for di Dios Su Leinan**, pero ta **husa mentira** kontra **Dios Su Pueblo** pa laga **nan kere ku ta di Dios nan ta papia**. Tin **saserdote** ku tin **otro interesnan** na **prome luga i ta husa falsedat** kontra **Dios Su Bèrdat** pa laga **abo sigi tras di e saserdote**, na **luga di laga abo sigi tras di Dios i Dios Su Leinan**.

Yeshua un Israelita; pa nos Unidat!!!

E Bèrdat ta, ku Dios Tata ta rechasá tur e saserdotenan aki, pero **abo ku ta Su Pueblo no tin mester di muri**, pasobra **abo no konosé Dios Tata**. **Abo por Lesa i Eduká abo mes ku henter e Skritura**, ku ta **Inspirá pa Dios** i ta **útil, Benefisioso** pa duna **Siñansa, Refutá, Koregí** for di **error**, **Restorá Obediensia** i pa **Instruí abo kon Biba un Bida Rekto**, konfòrme **Dios Su Boluntat**, di manera ku **abo ku ta sirbi Dios**, por ta **Kualifiká i Bon Prepará** pa hasi **tur sorto di Bon Obra**. (**2 Timoteo 3:16-17**).

28 mart 2021

Sea Bendishoná ku e **Amor di Dios Tata; Yeshua Mesias**
Un Fiel Sirbidó di Dios,
Remsly L Riley.